

# ՀԱՄԱՐԱԻՐԵՐ

ՀԱՍԱՐԱԿԱԿԱՆ ԳՐԱԿԱՆ ԵՒ ՔԱՂԱՔԱԿԱՆ ՇԱՐԱԹԱԹԵՐԹ

ԿՈՎԿԱՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

10 կոպեկ



Լոյս է տեսնում կիրակի օրերը

10 կոպեկ

ԲԱԺԱՆՈՐԴԱԳԻՆԸ տարեկան 4 հոգի, կէս տարուան 3 հոգի,  
Արտասահման՝ տարեկան 5 ռ., կէս տարուան 3 ռ.

ԽՄԱՐԱԳՐՈՒԹԻՒՆԸ՝ Թիֆլիս, Արտատպագրան հրատար. № 7,  
Հեռախոս № 29.

Գոստի հասցեն.— Тифлис, „Амбасадеръ“, Tiflis, Rédaction du journal  
„Hambavaber“.

ՈԱՅՏԱՐԱՐՈՒԹԻՒՆՆԵՐ՝ տոգին 10 կոպեկ.

Խմբագրութիւնը բաց է առաւօտեան ժամի 10—2, բացի կիրակի և առն օրերից  
Տպագրութիւնը ուղարկուած ձեռագրերը կարող են ենթարկուիլ փոփոխման և  
կրճատման:

Տպագրութեան համար անյարմար ճանաչուած մեծ յօդուածները պահուած են  
վեց ամիս խմբագրատանը, իսկ փոքրերն անմիջապէս ոչնչացուած:

Տպագրութեան համար անյարմար թղթակցութեանց և յօդուածների առթիւ  
խմբագրութիւնն պարտաւոր չի համարում գրաւոր բացատրութիւններ տալ:

## ԲՈՎԱՆԴԱԿՈՒԹԻՒՆ

ԽՄԲԱԳՐԱԿԱՆ.— Գիւղացիական միութիւնների համագումարը,  
Ս. Յարութիւնեանի.— Յունիսի 18-ը, 1 էօի.— Ձօն հայ որբե-  
րին ՎՄանչեստր Կարդինէն և հայ որբերը, Արշակ Սափրա-  
տեանի.— Նոր յեղափոխուած Ռուսաստանն ու Հայաստանը,

Իտալ. թարգմ. Արշակ Փէթվաննան.— Ռազմական տեսութիւն,  
— ԳեղԱՐՈՒԹՅՈՒՆ.— Գարնան գիշեր.— ՏԱՐԵԳՐ Կ. Հ. Բ. ԸՆԿ.,  
(Կենտ. Խորհ., Հ. Կ. Կոմիտէ և Պարենաւորման բաժանմունք).—  
ՔՐՈՆԻԿՈՆ.— Տեղեկագրութիւններ.

## ԳԻՒՀԱՑԻԱԿԱՆ ՄԻՈՒԹԻՒՆՆԵՐԻ ՀԱՄԱԳՈՒՄԱՐԸ

Ռուսաստանի մեծ յեղափոխութեան նպատակն է ե-  
ղել խորտակել հին կարգերը՝ հիմնուած անարդարութեան  
և բռնութեան վրայ և ստեղծել բաղադրական, հասարակա-  
կան ու տնտեսական նոր կեանք:

Յեղափոխութեան հողմը մաքրեց ասպարէզը հին  
կարգերից, անհետացրեց նրանց անվերադարձ, իսկ նոր  
կարգերն էլ դեռ չեն հաստատուած և կեանքի մէջ չեն  
մտցրուած:

Մենք այժմ գտնուում ենք ստեղծագործական շրջա-  
նում:

Պատուցելիք պետական նոր շինութիւնը պէտք է  
զրուի ժողովրդապետական լայն սկզբունքի վրայ և ոչ մի  
շեղումն այդ սկզբունքից թոյլատրելի չէ:

Վերաշինութեան բոլոր հարցերը իրենց լուծումն ստա-  
նալու են մօտ ապագայում սպասելիք Մահմանադիր Ժո-  
ղովից:

Այժմ մեր ժողովրդի բոլոր մտաւոր և բարոյական

ոյժերը ամենալարուած կերպով և անընդհատ պէտք է  
ղրադուած լինեն նախապատրաստական աշխատանքներով  
Մահմանադիր Ժողովի համար:

Պատմական մեծ վայրկեանի առաջ ենք կանգնած:

Եւ ով կը մնայ անտարբեր դէպի Մահմանադիր Ժողովը,  
ով վաւորօք չի մշակի իր պահանջները և լաւ մտածուած  
կերպով չի ձևակերպի ներկայացնելու Մահմանադիր Ժո-  
ղովին, նա անուղղելի սխալմունք կատարած կը լինի և  
կը տուժի ապագայում: Այս մտահոգութեամբ միայն կա-  
րելի է բացատրել այն շարժումն, որը մտել է Ռուսաս-  
տանի գիւղացութեան մէջ. գիւղ ու գիւղական համայնք,  
զաւառ ու նահանգ կազմակերպուած են, ըննում են Ժո-  
ղովներում հարցեր, մշակում են ծրագրեր իրենց տեղա-  
կան կարիքներին վերաբերեալ, մի խօսքով լուրջ կերպով  
պատրաստուած են Մահմանադիր Ժողովի համար:

Մեր երկրում՝ Անդրկովկասում գիւղացութեան մէջ  
նոր է սկսուած նոյն ոգով և ուղղութեամբ շարժումն:

Այդ շարժման հետեւանքը պէտք է համարել և Թիֆ-  
լիսում բացուած գիւղացիական միութիւնների համագում-  
արը:

Համագումարին մասնակցում են հազարից աւելի



պատգամաւորներ՝ եկած երկրիս բոլոր մասերից և բոլոր ազգութիւնների կողմից:

Այս համագումարը պէտք է համարել մի մեծ պատմական և ուրախալի երեոյթ մեր երկրի համար:

Համագումարը թէ իր ծրագրով և թէ իր կազմով արժանի է լուրջ ուշադրութեան. Անդրկովկասը դեռ չի տեսել մի այսպիսի մեծ և պատկառելի ժողով: Համագումարի նպատակն է՝ կազմակերպել Անդրկովկասի գիւղացութիւնը առանց ազգի խտրութեան և պարզել գիւղացի ժողովրդի կենսական պահանջները և նրանց լուծման ձևը:

Գիւղացութեան ձայնը միայն այն ժամանակ լսելի կը լինի, գիւղացութիւնը միայն այն ժամանակ կը հանդիսանայ ղեկավարող պետական կեանքի մէջ, երբ նա կը կազմակերպուի առանց ազգի խտրութեան՝ աշխատաւոր դրօշակի տակ և երբ իրենից կը ներկայացնի մի հզօր կազմակերպուած ոյժ: Գիւղացութեան բարդ շահերը լիովին պաշտպանելը ուրիշ միջոցով համարեա անկարելի է:

Աշխատաւոր գիւղացութեան կարիքները շատ են, նրա ցաւերը անթիւ են, նրան դարբեր ընթացքում վիճակուած է եղել ստրկութեան մէջ լինել:

Գիւղացութիւնը միշտ եղել է իրաւագօրիկ, նա եղել է միշտ հողագօրիկ:

Ահա այն աղբիւրը, որից միշտ ծագել է գիւղացութեան համար ամեն մի շարիք և որը այսուհետեւ պէտք է իսպառ ոչնչացնել: Գիւղացութեան կարիքները, ցաւերը թէև շատ են, բայց նրանց կարելի է ամփոփել մի երկու խօսքով. «Գիւղացութեան հարկատու է ՀՈՂ և ԱՂԱՏՈՒԹԻՒՆ»:

Այս երկու պահանջները աշխատաւոր գիւղացութեան կողմից և արդարացի են և լիակատար ու շուտափոյթ բաւարարութեան արժանի: Գիւղացին առանց ազատութեան և հողի չէ կարող ապրել այնպէս, ինչպէս թռչունը առանց օդի, ձուկը առանց ջրի:

Յեղափոխական կառավարութեան հրովարտելով արգէն տրուած է բոլորին, հետևապէս և գիւղացութեան, խօսքի, խղճի և այլ ազատութիւններ:

Սակայն գիւղացու ազատութիւնը օչինչ է, եթէ նա չունի իր ձեռքում հող, որը նրան հնարաւորութիւն տայ ստեղծելու անկախ կեանք:

Ստրկական գրութիւնը ստեղծում է ոչ թէ իրաւագրկութիւն, այլ և անտեսական պայմաններ:

Գիւղացին անհատական ազատութիւն ստացաւ և ցարիզմի ժամանակ, 19 փետրուարի 1860 թ. հրովարտակով, բայց այդ ազատութիւնը անբաւարար դարձաւ, նրան ոչինչ չը տուեց. գիւղացու իրաւական գրութիւնը չը փոխեց դէպի լաւը, որովհետեւ գիւղացին մնաց կալուածատիրոջ հողի վրայ և անտեսապէս ստրուկ կալուածատիրոջ առաջ:

Այժմ գիւղացու ազատութեան հետ պէտք է անպատճառ կապուած լինի և հողային խնդիրը:

Պէտք է իրականացնել այն մշմարտութիւնը, որ հողը հողագործինն է, որ նա առանց հողի ոչինչ է, որ նրա գոյութիւնը, անկախութիւնը, ազատութիւնը կախուած են հողից և հողից:

Համագումարը լուրջ կերպով պէտք է կանգ առնի հողի խնդրի վրայ և դրան կից միւս անտեսական խնդիրների վրայ: Գիւղացութեան իմաստութիւնը ցոյց կը տայ այս հարցի լաւագոյն լուծումը, որը ըստ մեր կարծիքի պէտք է լինի հողի համայնացումը: Այս ձևի հողատիրութիւնը համապատասխանում է մեր իրականութեան. մեր գիւղերի մեծամասնութիւնը, բիշ բացառութեամբ, այժմ էլ օգտուում է հողից այդ ձևով. պետական որոշ հողամասեր տրուած են օգտուելու գիւղական հասարակութիւններին անբաժան. գիւղական համայնքն է տէր ու տնօրէնը հողի, նա է կտոր-կտոր բաժանում իր անդամների մէջ, երբեմն և վերաբաժանում է ըստ կատարուած փոփոխութեան շնչերի ընտանիքներում. ոչ մի գիւղացի իրաւունք չունի ծախելու, գրաւ դնելու իր ձեռքի հողաբաժինը, որովհետեւ նա սեփականութեան իրաւունք չունի:

Գիւղացութեան ձեռքում եղած հողը շատ սակաւ է, նրան հնարաւորութիւն չէ տալիս իր կարիքները լրացնելու հողագործութեամբ: Ահա թէ ինչու անհրաժեշտ է բաւարարութիւն տալ գիւղացութեան ազատ պետական, վանքական, կալուածատէրերի, մանաւանդ մեծ իշխանների ու կայսերական տանը պատկանող հողերից: Համագումարը այս հարցի և միւս գիւղացութեան անտեսական հարցերի մասին պէտք է յանգի որոշ գրական եզրակացութիւնների, որպէս զի, հիմնւելով այդ եզրակացութիւնների վրայ՝ պարզ ծրագիր ներկայացնուի Սահմանադիր ժողովին, իրը պահանջ Անդրկովկասեան գիւղացութեան կողմից:

Ողջունելով Անդրկովկասեան անդրանիկ գիւղացիական Համագումարը, ցանկանում ենք գիւղացութեան, առանց ազգի խտրութեան, համերաշխ գործակցութիւն, իսկ Համագումարին՝ բեղմնաւոր արդիւնը:

Ս. ՅԱՐՈՒԹԻՒՆՅԱՆՑ

## ՅՈՒՆԻՍԻ 18-ը

Յունիսի 18-ը պատմական օր է ժամանակակից Ռուսաստանի համար: Այդ օրը ռուսական զօրքի մի մասը, որ գործում է Գալիցիայում, վերսկսեց պատերազմական գործողութիւնները, քաջարար առաջ արշաւելով և հէնց միևնոյն օրը նշանաւոր յաջողութիւն ձեռք բերելով:

Այս խոշոր գէպը չէ կարելի նկատել իբրև մասնաւոր ձեռնարկութիւն: Գաղութագրի միևնոյն կերպով հրատարակեց մի հրաման, որ ուղղուած է ռուսական ամբողջ բանակին և որի իմաստն է՝ «Յառաջ»:



Այս մօտիկ օրերը ցոյց կը տան թէ ինչ չափեր կընդունէ առևտրական արշաւանքը և թէ ինչ ազդեցութիւն առաջ կը բերէ եւս համաշխարհային ռազմաքաղաքական վրայ:

Մեզ, Ռուսաստանի քաղաքացիներէս, այս խոշոր դէպքը առաւելապէս հետաքրքրում է մեր ընդհանուր հայրենիքի հակառակորդի տեսակէտից: Ինչ էլք էլ ընկնայ սկսուած մեծ շարժումը, փաստը կատարուած է, ուժեղ խօսքը արտասանուած է: Աշխարհի առջև կանգնած է առևտրական ոյժը, որ հրամանով չէ գործում, մահուան պատժի երկիւղի տակ, այլ իր սեփական կամքով, գիտակցօրէն:

Այս անօրինակ փաստի միջից է ահա որ իր դէմքը ցոյց է տալիս վաղուայ Ռուսաստանը, մարտիկ խնամակալութիւնից ազատուած այն մեծ ժողովուրդը, որ այսօրուանից պիտի ստանայ իրաւունք իր խօսքը մացնելու համաշխարհային պատմութեան մէջ:

Եւ այդ խօսքին ամեն մէկն սպասում էր տնօկութեամբ, շնչառապա:

Չորրորդ ամիսն է՝ Ռուսաստանը գտնուում է յեղափոխական զրուիթեան մէջ: Եւ այսքան ժամանակ իրերի ընթացքը, աօրեայ փաստերը կարծես այն էին թելադրում թէ Ռուսաստանը պատրաստ չէ ազատութեան բարիքները վայելելու, թէ ազատութիւնը նրան բերել է միայն անիշխանութիւն, լքում, քայքայում: Կազմաւորւած ման առտիճանին էր հասնում առևտրական մեծ բանակը: Նրան արդէն արհամարհում էին թշնամիները: Հաշտութեան ջանքեր արաւ Ռուս յեղափոխութիւնը, բայց ի զուր... Այդ ջանքերը համարուեցին թուլութեան ապացոյց և իբրև պատասխան՝ առաջարկուեցին նուաւստացօրիչ պայմաններ:

Ամօթն ու խայտառակութիւնն էր կանգնել մեր հայրենիքի շէմքին: Նրան արդէն ջնջում էին մեծ ազգերի ցանկից, նրա հակառակ համար պատրաստուած էր «գաւաճանի» յաւիտենական խարանդ:

Ներսում, բանակի թիկունքում, աւելի մեծ քայքայում էր տիրում: Թոււմ էր թէ եկել է Ռուսաստանի, իբրև պետական կազմակերպութեան, վախճանը: Դա մի փոած, նեխուող մարմին էր, որի վրայ ամեն մէկն անդամահատութիւն էր կատարում և վերցնում էր ինչ կտոր որ ուզում է:

Եւ այս ամբողջ թո՛ւ ու բո՛հի մէջ, այս իրարանցման ժխորից զլուխ էր բարձրացնում սոսկալի, կոշմարային հարցը: Մի՞թէ ազատութիւնը կարող է մի երկիր սպանել: Մի՞թէ ճիշտ էին ասում Ռուս ցարականներն ու եկեղեցականները թէ միայն ինքնակալ բռնապետութիւնն է մեծ Ռուսաստան ստեղծել և միայն նա է, որ կարող է այսուհետեւ էլ հաւաքած պահել առևտրական երկիրները:

Ամենացաւալին այն էր, որ վարկաբեկում էր համաշխարհային ազատական գաղափարը: Ազգերն ապշած նայում էին Ռուսաստանի օրինակին և ասում.—այս է եղել ազատութիւնը, այս է եղել այն մեծ ու լուսատու իդէալը, որ միայն թղթի վրայ է գեղեցիկ, իսկ իրականութեան մէջ այն է առաջացնում, որ քայքայում և սպանում է մի ամբողջ մեծ երկիր: Ռուսական օրինակը չէր կարող ոգեորոշել, վարակել լինել ամեն մի երկրի համար, որ ազատութիւնից բարիք ու երջանկութիւն է սպասում և ոչ թէ անկում ու անյայտացում:

Այսպէս էր մինչև յունիսի 18-ը:

Բայց յունիսի 18-ը գալիս է համաշխարհային մի յուսատու օր դառնալու: Ազատութիւնը վարկաբեկուած չէ, Ռուսաստանը օր դառնալու: Ազատութիւնը վարկաբեկուած գիտակից ոյժ. որ շարժուել դիակ չէ, այլ ունի կազմակերպուած գիտակից ոյժ. որ շարժուել դիակ է: Նա, ուրեմն, կենսունակութեան էութիւնը շատ ունի իր

կազմուածքի մէջ և թոյլ չի տայ որ իրան ատեն զրուի թշնամիները և ներսի անիշխանութիւնը:

Ապացոյցը տրուած է: Մնում է սպասել որ այս մեծ շարժման մէջ մտնէ ամբողջ առևտրական բանակը: Այդ կը լինի մի վիթխարի ապացոյց թէ հայրենիքի շահերի գիտակցութիւնն ընդգրկել է Ռուս ժողովրդի և Ռուսաստանի բոլոր ժողովուրդների հաւաքական ոյժերը:

Կը լինի այս բանը մերձաւոր ապագայում: Թերահաւատութեան տեղիք չը կայ: Զը մոռանանք որ այս մեծ շարժման մէջ խոշոր դեր կատարել է մի անհատ—պատերազմի մինիստր Կերենսկու անսպառ եռանդը: Նրա գործը կատարեալ հրաշքի է նման, և ապացոյց է թէ վտանգի բոլէին ամուլ ու անկարող չէ հանդիսանում Ռուս ժողովրդի հանճարը, այլ ուժեղ և տաղանդաւոր անհատներ է հանում՝ իր յեղափոխութիւնը մեծ յաջողութեան հաճանքներով պսակելու համար:

Վաղուան օրը մոայլ ու խաւարային չէ երևում: Ռուսական հայրենիքի ամեն մի մասնիկ, ինչ ազգից և լեզուից էլ բաղկացած լինի նա, եթէ անկեղծօրէն հաւատում է թէ ապագայ պետական ազատ կազմակերպութեան անդամ լինելն է իր իսկական երջանկութեան և ազգովին զարգանալու երաշխիքը,—իւրաքանչիւր այսպիսի մասնիկ յունիսի 18-ից յետոյ հնարաւորութիւն է ստանում աւելի ապահով լինելու իր ապագայի վերաբերմամբ:

Իսկ բոլոր կոտող երկիրների ժողովուրդներին ներկի պիտի լինի յուսալ թէ այս շարժումը, այդ յունիսի 18-ը, մօտեցնում է անիծապարտ պատերազմի վերջը: Երեք տարի է՝ քաղաքանդ է դառնում աշխարհը: Սկսողները, դեկավարները, դիտողները շատ չեն սարսափում այս ահելի երկարատև սպանդանոցից: Նրանք, այնուամենայնիւ, ունին իրանց սպիտակ հացն ու խորտիկները:

Մենք, որ ժամերով արևի և անձրևի տակ ներթ ենք պահում մի կտոր թեփի կամ ցեխի հաց ստանալու համար, մենք որ տապալուում ենք առանց ջրի, մենք, որ այլ ևս արտասուք չունենք մեր կորուստների վրայ կաթեցնելու համար,—մենք լաւ գիտենք թէ ինչ է նշանակում այս—պատերազմի վերջը...

ԼԷՕ

## 20Ն ՀԱՅ ՈՐԲԵՐԻՆ

### «ՄԱՆՆԵՍՏԵՐ ԿԱՐԴԻՆ» ԵՒ ՀԱՅ ՈՐԲԵՐԸ

«Մանչեստըր Կարդիւն» Անգլիայում ամենաուղիղ և անկասկած ամենահեղինակաւոր թերթերից մէկն է, եթէ ոչ առաջինը. երկու տարիներից ի վեր նա եղել է գլխաւոր ազդեւոր հայկական կեանքի ծանօթացման՝ Անգլիայում, Մանչեստրի մէջ վերջերս պ. Մանչեստրի նախաձեռնութեամբ կազմուած հայ որբերի ֆոնտը (որի նախագահն է Մանչեստրի քաղաքապետը), այսօր այդ թերթի էջերում հրատարակուած է մի կոշ՝ օգնելու հայ որբերին:

Յենուելով այդ կոշի բովանդակութեան վրայ, թերթը գրել է հետեւեալ խմբագրականը՝ «Հայ որբերի ֆոնտը» վերնագրով:

«Այսօր մենք հրատարակում ենք Մանչեստրի Լորդ-Քաղաքապետի և ուրիշների կողմից մեզ ուղարկուած մի կոշ ի նպաստ հայ որբերին, որոնք կորցրել են իրենց հայրերն ու մայրերը թիւրքական ահաւոր կոտորածների ընթացքում, ի հարկէ ներկայ հանգամանքներում բնականօրէն մենք մեծ դժկամակու-



թեամբ դիմում ենք հասարակական հանգանակութեան, երբ բարի արտերը արդէն տալիս են այնպիսի շատ ուրիշ նպատակների համար. սակայն անոնք որ լաւ ծանօթ են այդ դժբախտ երեխաների կրած տառապանքներին, ոչ մի կերպով չեն վարանիր դիմելու այդ քայլին: Յետոյ ներկայ բողոքն այնչափ էլ վատ չէ, որովհետեւ գուժը չի բովանդակել մրցութեան տարր, այլ կը ծաւալի շերմեռանդ արտերի բարեխումբերով: Բայց աստի, աւելի քան ու է ժամանակ մենք սկսում ենք հասկանալ Արեւելի դերը ներկայ պատերազմում, և մենք պէտք է ընդունենք որ այն երեխաները, որոնց օգտին հաւաքուած է այս փողը, որոնցմ են յանուն դաշնակիցների դատին: Թիւրքը սպանեց անոնց ծընողները, որովհետեւ անոնցմէ շատերը կոռուեցան գաշնակիցների կողքին, և ապստամբ մի ազգի հետ թիւրքի վերաբերմունքի միակ եղանակն է սպանել նրան: Ուրեմն մեր պարտքն է ոչ թէ սանձել մեր կարեկցութիւնը հանդէպ այն երեխաներին, որոնք կորցրել են իրենց բնական պաշտպան ձեռքերը, այլ անել նրանց համար այն ամեն ինչը որ մենք կարող ենք: Դժբախտաբար մենք կարող ենք միմիայն օգնել այն եղանակով՝ ինչպէս որ կ'ոչ ստորագրողները խնդրում են: Եթէ շոյն իսկ մենք անենք բոլորը ինչ որ հնարաւոր է, այս պատերազմում Հայաստանը դարձնալ ամենաշատ զոհուած երկիրն կը լինի—նոյն իսկ աւելի քան Մերթիան: պատմութեան մէջ չկայ աւելի ահաւոր հոգեվարք քան հայկականը: Հայաստանը մի հեռաւոր երկիր է, օժտուած թէև տխուր բայց այնպէս մի վեհ պատմութեամբ, և մեզնից շատ քիչերն կարող են ըմբռնել նրա զեղեցիկ բնութիւնը: Միակ վաճառականական յարաբերութիւնը միշտ վրիպում է յայտնագործելու մի ուղի հոգին, և այս սարսափելի ողբերգութիւնը կրող Հայաստանը՝ վաճառականութեան Հայաստանը չէ, այլ մերկ օտարալանջների հարուստ և արգասաբեր հովիտների, մի պարզակեաց և հիւրընկալ գիւղացութեան, մի տեղուն և ազնիւ ոգի անձնաւորող Հայաստանն է: մի աւելի թոյլ և մեղկ ցեղ երբէք չէր կառնի իր դաւանանքին, ինչպէս փարել է Հայաստանը իր հատառքին: Հայաստանը ծնում է նաև քաջ մարդիկ, որոնք ներկայ հանգամանքներում արժանի են բարեկամութեան և գուցէ այս պատերազմի վերջաւորութեան, նրանց վերապահուած է մի մեծ ապագայ՝ երբ ազաւագրուի Արեւելը: Սակայն, ինչ որ էլ լինի ապագայի պատեհութիւնը, դա կախուած է այն երեխաներից որոնց ի նպաստ մենք այսօր հրատարակում ենք մի կոչը:

Լոնդոն

ԱՐԵԱՆ ՍԱՅՐԱՍԵԱՆ

## ՆՈՐ ՅԵՂԱՓՈԽՈՒԱԾ ՌՈՒՍԱՍՏԱՆԸ ԵՒ ՀԱՅԱՍՏԱՆԸ

Ռուսական յեղափոխութեան յազթանակը տեսնելով՝ Հայ դատի բարեկամներից մի քանիսը մեղ ուղղեցին շնորհաւորութիւններ: Մեր բարեկամները խնդակցում են մեզ հետ՝ համոզուած լինելով որ Ռուսաստանում հասարակական թէ քաղաքական ազատ կարգերի հաստատութիւնով հայերի նախնական բողոքներն եղող հայ-ազգային դատի բարենպաստ լուծումը ապահովուած կը լինի:

Արդարև, տրամաբանօրէն մտածելով այդ այդպէս էլ պէտք է որ լինի, որովհետեւ մեզ թւում է որ ուսում մեծ ժողովուրդը իւր իսկական ազատութեան, իրաւունքների և ճակատագրի տէր և անօրէն դառնալով, պահանջելու է որ այլևս մի կողմ թող-

նուին ընկած կայսերական միահեծանութեան հոյակապ նախագծերը, ինչ որ չը հակառակելով ճնշուած ժողովուրդների բողոքներին, նրանց տալի-մղիչը և պաշտպանը կը լինի: Այս ամենը թւում է թէ տրամաբանական է, բայց, արի տես որ դժբաղդութեան մի ողբերգական խաղով խոտորած՝ Հայաստանի ամենաինչին օրերի պատմութիւնը մեզ ասում է՝ չօրօրուել միմիայն յոյսերով, և մենք, այսօր, փոխանակ մի օրհնեղով փառաբանելու ուսական յեղափոխութիւնը որպէս հայերի փափաքներին յազթանակը նպաստաւորող դէպք, սպասելու ինչ որ այսօր Ռուսաստանի կառավարութեան գլուխ կեցած մարդիկ պարզեն իրենց ընթանալիք ուղին, ցոյց տան մեզ գործով, թէ ուս ազատ ժողովուրդը Բաւեակ Համաձայնութեան մէջ ճաշկով, հայ հարցի լուծման մէջ—հարց որ իսկապէս միայն հայերի հարց չէ այլ համաշխարհային հարց—Ինչ դերք է բռնելու:

Մինչ այդ մի քանի նշաններ կան արդէն: Միմիայն Բեռլինի մի տեսակցութեան մէջ ասեց իւր հայեացքը Հայաստանի ինքնավարութեան մասին: Իսկ արտաքին գործերի նախարար Միլիթովը մի այլ գրուցաարութեան (interview) մէջ որ նա ունեցաւ մամուլի ներկայացուցիչների հետ, ներկայ պատերազմի մէջ համաձայնութեան պետութիւնների հետապնդած նըպատակների շուրջ, արտայայտուեց նաև Հայաստանի մասին: Մեզ գէտ յայտնի չեն Միլիթովի բոլոր ասածները, մենք մեր դատողութիւններն անում ենք Զորքիէրէ Տէլլա Սէրա-ի Բըդ-թակցի տարւոյս ազգի 5 թուականաւ հեռագրից մեր ստացած ազաւորութեան համեմատ: Ե. . . . Այս նպատակներից զատ Համաձայնութեան Պետութիւնների և ի մասնաւորի Ռուսաստանի շնչաւանդ է ազատել Հայաստանը թուրքական լուծից: Մենք չենք կարող հանգուրծել որ հայերը սրանից յետոյ էլ շարունակեն մնալ թուրքաց տիրապետութեան տակ: Սրանից զատ, ինչպէս որ արդէն վճռուած է, նորոգել մի ազատախոն մտայնութեամբ՝ նաև մնացեալ ազգերի ճակատագիրը, ինչպիսին է օրիւնակ՝ արաբներինը, որ նմանապէս, թուրքի տիրապետութեան տակ է գտնուում: Թուրք իշխանութեան լուծի տակ նեղուող ազգերի ազատութեան մասին խօսելով, Համաձայնութեան Պետութիւնները նպատակ չունին բնաւ իրենց կարգին իրենց լուծը ղեկի թուրք ժողովրդի վրին: Կ. Պոլսի և նեղուցների խնդիրը ղչի կարելի թուրք ժողովրդի շահերին հակասակ մի բան նկատել, քանի որ թուրք ազգը, հակառակ այդ տեղերի վրայ իւր 500 ամեայ տիրապետութեան, չի կարողացել խոր արմատներ ձգել: Նեղուցների հարցի լուծման կիրպը արդէն վճռուած է մեր դաշնակից պետութիւնների համաձայնութեամբ և ըստ մեր ազգային շահերի հայեցակէտի, մեր (առւսաց) այդ նեղուցներին տիրապետելը, չի հակասում մինչև իսկ Վիլսոնի ձեռնարկած սկզբունքներին: Նեղուցները մեր տան զաւան պահպանութիւնն են և հասկանալի է որ այդ պահպանութիւնը մեզ էլ պէտք է պատկանի:

Թէ ի՞նչ ասել ուզում է նախարար Միլիթովը «հայերի ազատագրումը» խօսքերով, պարզ չէ մեզ համար: Բայց Ստէֆանիի գործակալութեան այս գրուցաարութեան մասին տուած պարզաբանութիւնը (versione) բաւականին լոյս է սփռում կաղէտների կուսակցապետի մտածելակերպի վրայ:

—Հայաստանը պէտք է որ գտնուի ուսական հովանաւորութեան տակ, քանի որ մենք պարզ տեսանք վերջին ժամանակների անցքերից, որ անկարելի է Հայաստանը թողնել թուրքաց լուծի տակ:

Հարկ է շնորհակալ լինենք ուս արտաքին գործերի նախարարից՝ որ հաստատում է թէ հայերի ազատութիւնը Համա-



ձայնութեան Պետութիւնների ձգտած նպատակներից մին է և անթույլատրելի որ սրանից յետոյ էլ հայերը թողնուին թուրք լծի տակ. բայց և այնպէս չի կարելի չի նկատել այն անսոր- մաքանական եզրակացութիւնը՝ որ նա հանում է, ըստ որում պնդելով որ «Հայաստանը պէտք է գտնուի ռուսաց հովանաւորութեան տակ, (մի հովանաւորութիւն որ հաւանաբար նշանակում է քղարկութեամբ (largata) կցում Ռուսաստանի հետ), կարծես թէ հայ հարցը ուրիշ նշանակութիւն չէր ունեցել, բայց եթէ «կամ թուրքի կամ ռուսի տիրապետութիւն»:

Մենք որ շատ առիթներով մէջ բերել ենք և վիճել երբեմն կայսերական Ռուսաստանի Դոմայի անդամ Միլիբովի յայտնած մաքբերը, ցաւօք սրտի նկատում ենք որ այդ միևնույն մտքը-ը շարունակում են մնալ յեղափոխութեամբ Ռուսաստանի արտաքին գործերի մինիստր Միլիբովի մօտ:

Եթէ գաղափարները նոյնն են, այն ժամանակ արտաքին գործերի նախարարի բերնում նրանք զգնում են մեզ համար մի առանձին լրջութիւն (gravita): Արդարեւ, մինչև այսօր ոչ մի ռուս մինիստր չէր արտայայտուած բնաւ հայ ժողովուրդի հակառակ- գրի շուրջ: Եւ ոչ միայն այսքանը, նախադասական շրջանի կայսերական Ռուսաստանի վերջին մինիստրները բազմաթիւ անգամ յայտարարել էին որ, Ռուսաստանի կէտ նպատակն կայանում է միայն Կ. Պոլսին տիրելը եւ լեհական նահանգ- ների ամբողջացումը: Այս այսպէս լինելով մենք իրաւամբ յոյս ունէինք որ Քառեակ Համաձայնութիւնն էլ չէր մտածում Հայաս- տանի հարցի պէս միջազգային մի հարցի լուծման մէջ իւր մաս- նակցութիւնից հրաժարուելու: Իսկ այժմ մենք մտահոգուած ենք չը գիտենալով թէ մինիստր Միլիբովը ժամ կողմից է խօսում այդպէս, իւր անձնականից, ռուսական ժամանակաւոր կառավա- րութեան, թէ Քառեակ Համաձայնութեան կողմից:

Մինիստր Միլիբովի յայտարարութիւնները եթէ Համաձայ- նութեան Պետութիւնների անունից են, այն ժամանակ նրանք ող- բերգական են հայերի համար, ըստ որում դուրս կուգայ որ այդ- պիսով հարցը դադարելով լինել միջազգային հարց, լինում է մի գլխովին Ռուսաստանի ձեռնհասութեան ենթակայ հարց: Համա- ձայնութեան արեւմտեան պետութիւնների կողմից հայ հարցի լուծումի գործին խառնուելուց այս ենթադրեալ կամովին հրա- ժարումը, կարևոր է արձանագրել: Արդարեւ եթէ հշմարիտ են ռուս յեղափոխութեան որոշ նախընթացները, ըստ որում պէտք է արդար լինել այն ժողովուրդին նկատմամբ յանձին որոյ ար- դարութեան, իրաւունքի և ազգայնութեան սկզբունքներ անօրի- նակ կերպով ոտնատակ տրուեցին, ինքնին բաւական է հերքելու և ցոյց տալու համար ոտութիւնը այն օրհներգին, որ հանապա- ցօր երգւում է յանուն այդ սկզբունքների: Այս ամենը մենք ա- սում ենք ոչ այն պատճառով, որ Ռուսաստանի պատմական այս կարևոր ժամին մեր մէջ պակասում է բարեկամութիւնը զէպի ռուս մեծ ժողովուրդը, այլ որովհետեւ ըստ մեզ բարեկամու- թիւնը չի նշանակում և չի պիտի լինի ենթարկում: Ապա մինչև նոր հակառակ փաստեր չը գան համոզել մեզ որ արեւմտեան Հա- մաձայնութեան Պետութիւնները հրաժարուել են այդ հարցի լուծման մասնակցելուց, մենք չենք հաւատալու մինչև այն ասուած և գրուած բաներին: Մենք չենք կարծում նաեւ որ հայ հարցի մասին մինիստր Միլիբովի յայտարարութիւնները նոր յեղա- փոխութեամբ Ռուսաստանի կարծիքի արտայայտութիւնը կամ անդ- րադարձութիւնը լինին:

Corrado Corradino

Իտալ. Թարգմ. Ա. Փէթվանեան

(Շարունակելի)

## ՌԱԶՄԵԿԱՆ ՏԵՍՈՒԹԻՒՆ

Ռուսական բանակը յունիսի 18-ից սկսեալ զինուորական նախարար Կերենսկու հրամանով յարձակողականի է անցել գեր- մանական և աւստրիական հակառակների վրայ: Բանակը, որ եր- կար ժամանակ անգործութեան դատապարտուելով կազմալուծուել ու բարոյապէս էլ քաքայուել էր, այժմ յարձակման անցնելով ցոյց է տալիս մեծ ոգևորութիւն և եռանդ: Բարձրանում է թէ զօրքի և թէ ժողովրդի հոգեկան կորովը: Շատ քչերն են ռազմա- ճակատի զօրքերից, որոնք թունաւորուած են կըրայրացման թոյ- նով: Տակաւին շատ են այն տարրերը, որոնք զէմ են Կերենսկու կարգադրութեան, որոնք ուզում են պիտոյր չի մէջ ձուկ որսալ: Կերենսկին մի յայտարարութեամբ յունիսի 18-ին դիմել է ժա- մանակաւոր Կառավարութեան, որ յարձակողականի անցնող զօր- քըն ունենայ իր զօրակը և յեղափոխական անուն կրի: Կառավա- րութիւնը համաձայնուել է և յունիսի 18-ի փառապանծ զնգերը այժմ սլանում են տոռա:

Յունիսի 18-ի կուում վերցուած են 164 սպայ և 8,300 զի- նուոր, վերցուած են նաեւ 7 թնդանօթ և նոյնքան անգարի: Ինդո- ժանից հալաւ-արեւմուտք սուսները հրետանու նախապատրաս- տութիւնից յետոյ յարձակեցին թշնամու սաստիկ ամրացած դիրքերի վրայ: Կովելի ուղղութեամբ, Ռուսկա-Միսովիչսկայի շրջանում ռուսները առաջ անցան: Զուլչիկ ուղղութեան վրայ, հը- րետանու երկօրեայ նախապատրաստութիւնից յետոյ ռուսական զօրքը յարձակուեց աւստրո-գերմանական դիրքերի վրայ:

Զբոսովից հարաւ արեւմուտք, յունիսի 19-ին ռուսները զը- րուեցին մի գիւղ և գրաւեցին թշնամու երեք շարք ամրացած դիրքերը: Յունիսի 19-ին Զուլչիկ ուղղութեան վրայ գերի է վեր- ցուած 6,300 սպայ և զինուոր: Կոնստանտինոպոլում շարունակ- ւում են լարուածութեամբ: Յունիսի 18-ի և 19-ի ընթացքում վերցուած զերինների ամբողջական թիւը հասնում է 300 սպայի և 18,000 զինուորի. գրաւուած թնդանօթների թիւը հասնում է 29-ի, իսկ զնդացիների թիւը 33-ի:

Կովկասեան ճակատում ռուսները գրաւեցին Պէնջուին: Թիւրքերը փախչում են: Ռուսները գրաւեցին նաև Լինդիլու գիւ- ղը: Կալա-Միքովան ամրութիւնը, Արի-Խէն և Դերէխէն գիւղերը: Փրանս-Անգլիական հակառակ՝ Մերնիից արեւելք թշնա- մին զրոշ տալով գրաւեց Այլ-Պասսի հանապարհի երկու կողմերը, ֆրանսիական հակառակ 1,500 մետր տարածութիւն: Այդտեղ ֆրանսիական ամրութիւնները հողի են հաւասարուած: Թշնամու յարձակումը կասեցուեց:

Մորտովից արեւմուտք սաստիկ կռիւ է, Անգլիացիները Լան- սից հարաւ զարգացնելով իրենց աշողութիւնը՝ Սուչէ գետի հիւ- սիսային ափում գրաւեցին թշնամու պաշտպանողական շինու- թիւնները:

Ճակատի բոլոր մասերում լարուած կռիւ է:



## Գեղարուեստ

### ԳԱՐՆԱՆ ԳԻՇԵՐ

Գարնան դիմիչ գիշերն իջաւ,  
Ծաղիկ-ծաղկունք բուն մտան.  
Թեթև հովը սարից իջաւ  
Բաղխեց զուրը իմ փակ տան:

Մեկտոնի պէս վեր թռայ ես,  
Ու գուրս եկայ պատշգամբ.  
Հուա էր շուրջս, երազի պէս,  
Երկինքը պարզ ու անամպ:

Ու սսկեշող աստղերը վառ,  
Հոգուս լազուր կամարում,  
Ժպտում էին փարուում իրար,  
Սուզուում լոյսի ծովերում:

Ոչ որ չ'կար իմ տան շէմքին,  
Թեթև հովն էր ինձ կանչել.  
Մենակ սրախս անխճա ճամբին՝  
Գարնան գիշերն էր իջել:

Վարսենիկ Աղաոսան

## Տարեգիր Կ. Հ. Բ. Ընկ.

Կ. Հ. Բ. Ընկ. խորհուրդը շնորհակալութեամբ ստացել է եղբ. Սէյլանեաններից 300 ա. մշտական անդամութեան համար: —Նոյն եղբայրներից զպրոցական նպաստ 300 ա.

### ՀԱՅԿ. ԿԵՆՏ. ԿՈՄԻՏԷ

Մայիսի 19-ին կայացաւ Հայկ. Կենտր. Կոմիտէի ներթափանցիկ նախագահութեամբ պ. Ս. Յարութիւնեանի, ուր հետեւի զեկուցումներն ու որոշումները եղան.

ա) Գ. Նախագահը զեկուց Վի բաժնի թէյս-ի մայիս ամսուայ հաշիւները, որից երեսց, որ մայիսի 1-ից մինչև յունիսի 1-ը մտաւ է եղել 14,911 ա. 51 կ., ծախս՝ 10,704 ա. 89 կ., մաքուր արդիւնք՝ 4,206 ա. 62 կ., բացի այս մաքուր արդիւնքից մայիսի 21-ի և 22-ի ամբողջ նասոյթը՝ 700 ա. յատկացրուած է զինուորական Կոմիտէին:

Որոշուեց զրամբ մուծել Կոմիտէի կասսան, իսկ հաշիւները փաստաթղթերով յանձնել հաշուապահին ստուգութեան:

բ) Խնուս-Մուշի լիազօր պ. Կարօ-Սասունին, սրբ նոր է վերադարձել Խնուսից, տունը մի ընդարձակ և հետաքրքրական զեկուցում՝ այդ վայրերի Կոմիտէի ունեցած կազմակերպութեանց մասին, որից երեսց որ Խնուսում ունեցել ենք մի պահեստ, երկու որբանոց, երկու դպրոց և անդամու կայան:

Վերայիշեալ նաստառութիւններից որբանոցների Կոմիտէի

կարգադրութեամբ փոխադրուել են Յարսկի Կոլոդցի, զպրոցներն էլ փակուել ամառնային արձակուրդի պատճառով, սակայն որբանոցի կարիքը մեծ է, որովհետև շարունակ թշնամու ձեռքից ազատուած են երեխաներ, որոնց հարկաւոր է մի տեղ հաւաքել:

Միւս կողմից երկրում կարգա-որհով բոլոր գործերը ու բաժանելով տեղական գործիչների միջև, պ. Կարօ-Սասունին առաջարկեց ազատել իրան այդ շրջանի լիազօրութեան պաշտօնից, որովհետև սաստիկ յոգնած է և տկար, կարիք է զգում բժշկութեան:

Լսելով պ. Կարօ-Սասունու հետաքրքրական զեկուցումը, ժողովը յայտնեց նրան շնորհակալութիւն նրա արդիւնաւէտ գործունէութեան համար, ցանկութիւն յայտնելով նրան շուտափոյթ բժշկութիւն, որպէս զի դարձեալ վերադառնայ և անցնի իւր սիրած գործին, որից յետոյ կատարուեց հետեւեալ որոշումները.

Խնուսում գարձեալ ունենալ որբանոց շուրջ 100 որբի համար, ունենալ նաև անդամու կայան:

գ) Լսուեց Ալաշկերտի լիազօր պ. Գ. Փարաջանեանի զեկուցումը՝ Կոմիտէի այդ շրջանի նաստառութեանց մասին, որից պարզուեց որ Ալաշկերտի որբանոցում ներկայիս կան 120 որբ, որոնց համար բացուած և հիմնուած են զիւզատ՝ անսական աշխատանքների համար բանջարանոցներ, որոնց մէջ աշխատում են չափաւաս որբերը:

Ալաշկերտի անդամու կայանը շատ մեծ ծառայութիւն է մատուցել վերադարձող գաղթականութեան և զարնուն սկիզբներին այդ կայանից տնազին քանակութեամբ գաղթականութիւն է անցել զէպի երկիր, որոնք բոլորն էլ ստացել են թէյ, շաքար և հաց:

Կոմիտէն շնորհակալութեամբ ընդունեց նրա զեկուցումը. իսկ հաշիւները որոշուեց յանձնել հաշուապահին ստուգութեան:

### ԳԱՐՆԱՒՈՐՄԱՆ ԲԱԺԱՆՄՈՒՆՔ ԳԵՏ. ՄԻՋՈՃՆԵՐՈՎ

Յորեն ուղարկուած է Իզդիր 3 վագոն. Վաղարշապատ՝ 8, Աշտարակ՝ 2, Ղարզոլուի՝ 2, Ղարաքիլիսա՝ 1, Ներքին Ախտա՝ 1, Երևան՝ 2, Ղամարլու՝ 1 և Ալէքսանդրապոլ՝ 2, ընդամենը 17 վագոն:

Բացի սրանից հացի պահեստութեան պատճառաւ Թիֆլիսի Քաղաքային Գարնաւորման Կոմիտէն զբաւեց գաղթականների համար եկած 7 վագոն ցորեն և մի վագոն ալիւր:

Կարգադրութիւն է նշած Վաղարշապատի պահեստի կառավարչին Թալինում պահեստ բանալ և Եղրայրական Օգնութեան Թալինի շրջանի գաղթականների կարիքների համար տալ ամսական 1 վագոն ալիւր: Նոյն շրջանն է ուղարկուած լիազօր պ. Ա. Աղայեանը՝ տեղում պահեստ բանալու:

Թիֆլիս վերադարձան պ. պ. Աւետեանը և Արամեանը, որոնք ուղարկուած էին Սարիզամիշի, Էրզրումի և Գանձակի շրջանը՝ քննելու պահեստների գործունէութիւնը: Նրանց զեկուցին, որ բոլոր վայրերում գործը կանոնաւոր չիմքերի վրայ է զրուած և բոլոր պահեստների կառավարիչները իրենց կոչման միանգամայն համապատասխան բարձրութեան վրայ են գտնուում:

## Քրոնիկոն

Յունիսի 20-ին, առաւօտեան ժամը 10-ին Յսիմովսկու ցիր-կում տեղի ունեցաւ Անդրկովկասեան զիւզացիական Համագու-ղարի պաշտօնական բացումը:



—Քաղաքային դումայի իրաւասունների ընտրութիւնը կայանալու է առաջիկայ յուլիսի 30-ին:

—Յունիսի 15-ին կայացաւ Կովկ. կօօպերատիւների ներկայացուցիչների համագումարը:

—Անդրկովկ. Առանձին Կոմիտէին կից կազմուած գաղութների ազգայնացման գործով զբաղուող յանձնաժողովն արդէն քննել է իր գործունէութիւնը:

—Յունիսի 16-ին Ալեքսանդրապոլում բացուեց թիւրքահայ ուսուցիչների համագումարը:

—Յունիսի 13-ին Ալեքսանդրապոլում Հ. Յ. Գաշնակցութեան նախաձեռնութեամբ գումարուեց շրջանի գիւղացութեան համագումարը:

—Ինչպէս յայտնի է, Քիֆիսում հրատարակուած էր Արշալոյսն անունով գրական-գեղարուեստական և քննադատական ամսական նկատի ունենալով որ այդ ամսականը աւելի փոքր ծաւալ և արտայայտութիւն ունէր, մի խումբ երիտասարդ գրողների շրջանում միտք յղացուեց յիշեալ ամսականը դարձնել աւելի ընդարձակ շրջանի արտայայտութիւն և ուշք դարձնել բովանդակութեան ճշտութեան: Ուստի որոշուեց ամսականի անունը դնել Հրապարակ և հրատարակել մեր երիտասարդ գրողների աշխատակցութեամբ:

—Կ. Հ. Ռ. Ընկ. կից գաղթականներին նպաստող պարենա-

ւորման բաժանմունքի Քիֆիսի կայարանում ստացած ալիւրը և ուրիշ մթերքները գրաւուած են քաղաքային պարենաւորման մարմնի կողմից, այդ պատճառով էլ փոխատականները մեռւած են բաղցած: Այդ մասին գիտուեցին են եղել գրաւումն արդիւնու համար:

—Գաղթականական գործերի մէջ միութիւն ստեղծելու համար Քիֆիսում գործող կազմակերպութիւնների ներկայացուցիչներն ու թրքահայ համագումարից ընտրուած Խորհուրդը մը շահուած են միութեան ծրագիր: Հիմնուելու է մի կենտրոնական կոմիտէ 30 հոգուց բաղկացած, իսկ աշխատանքները բաժանուելու են կազմակերպութիւնների մէջ փոխապարձ համաձայնութեամբ:

## Տ Ե Ղ Ե Կ Ա Տ Ո Ւ

Հ. Կ. Կոմիտէն հետեւեալ անձերին խնդրում է մտնել գրասենեակը կամ ուղարկել իրենց հասցէն, որովհետեւ իրենց անունով ընկալադիր ստացուած է, բայց դեռ դրամը զանձուած չէ:

Արապիոն Մ. Գալարեանին 354ռ., Ս. Ս. Ռապցեանին 180ռ., Իսկուհի Փափագեանին 180ռ., Մ. Թորիչեանին 120ռ.:

# ՌՈՒՍԱՀԱՅՈՑ ՀԱՄԱԳՈՒՄԱՐ

Ռուսաստանի մեծ յեղափոխութիւնից յետոյ՝ հայ ժողովրդի զանազան տեղերից առաջարկութիւններ եղան, թէ անհրաժեշտ է ռուսահայոց պատգամաւորական ժողով գումարել, ընդհանուր-պետական և ազգային-հասարակական հրատապ խնդիրների քննութեան համար: Այս առիթով Քիֆիսում գումարուեցին խորհրդակցական ժողովներ, 60—65 անձի մասնակցութեամբ, թէ Քիֆիսի և թէ ուրիշ քաղաքների ազգային հաստատութիւնների և քաղաքական հոսանքների ներկայացուցիչներից: Որոշուեց անհրաժեշտ հանաչել ռուսահայոց համագումար հրաւիրել և այս որոշման իրագործումը ժողովը յանձնեց միջկուսակցական խորհրդակցութեան, բաղկացած 15 անձից, տալով նրան կօօպերացիայի իրաւունք և յանձնարարելով, ըստ կարելոյն շուտով կազմակերպել և հրաւիրել ռուսահայոց համագումարը:

Այս հիման վրայ միջկուսակցական խորհրդակցութիւնը անմիջապէս գործի ձեռնարկելով՝ ունեցաւ մի շարք նիստեր, որոնց մշակեց հրաւիրելիք ժողովի համար կանոնադրութիւն, հրահանգ և բաժանեց հայ ազգաբնակչութիւնը ընտրական շրջանների:

Խորհրդակցութիւնն ի նկատի ունենալով մի կողմից համագումարն ըստ կարելոյն շուտ հրաւիրելու պահանջը և միւս կողմից ընտրական բարդ գործողութիւնները՝ հնարաւոր գտաւ ընտրութիւնները նշանակել, միաժամանակ—քաղաքներում և գիւղերում յուլիսի 23-ին, իսկ համագումարը հրաւիրել օգոստոսի 20-ին: Համագումարը որոշուեց գումարել Քիֆիսում:

Միջկուսակցական խորհրդակցութիւնը մշակեց իր կողմից օրակարգ պարապմունքների, որ դրուած է օտարն: Այս առիթով խորհրդակցութիւնը յայտարարում է, որ 1) սկզբունքով որոշուեց օրակարգի մէջ դնել զուտ ռուսահայկական և ընդհանուր պետա-

կան բնաւորութիւն ունեցող հարցեր: 2) սակայն համագումարին է վերապահուած այս օրակարգից որեւէ կէտ դուրս ձգել կամ ընդհակառակն նրան լրացնել նոր հարցերով թէ ռուսահայ և թէ առհասարակ ընդհանուր հայութեան վերաբերեալ:

Միջկուսակցական խորհրդակցութիւնը որոշեց ընտրական շրջանների կենտրոններում հիմնել շրջանային միջկուսակցական կոմիտէներ, որոնք պէտք է կազմակերպեն ընտրական գործը իրենց շրջանում համաձայն այս կանոնադրութեան և հրահանգի, որ առանձին կուղարկուի:

Ա.

## Օ Ր Ա Կ Ա Ր Գ

1) Վերաբերմունքը դէպի ներկայ քաղաքական մոմենտը, դէպի ժամանակաւոր հառաժարութիւնը և դէպի պատերազմը:

2) Ռուսաստանի ապագայ քաղաքական կազմը:

3) Անդրկովկասի ապագայ քաղաքական կազմը և նրա կապը Ռուսաստանի հետ:

4) Փոքրամասնութեան իրաւունքը:

5) Հողային հարցը: Գիւղացու տնտեսական վիճակը:

6) Լեզուների իրաւունքը պետական հիմնարկութիւնների մէջ:

7) Դպրոցական խնդիրներ (պետական դպրոցների ազգայնացում, ազգային դպրոցներ, կադարեան ճեմարան):

8) Եկեղեցու փոխ-յարաբերութիւնը պետութեան հետ:

Բ.

## Կ Ա Ն Ո Ն Ա Ղ Ր Ո Ւ Ի Ի Ն

1) Իւրաքանչիւր ռուսահայ՝ 20 տարին լրացրած՝ առանց սեռի և գաւանութեան խարութեան, իրաւունք ունի մասնակցե-



լու պատգամաւորները ընտրութեանը որպէս ընտրող և ընտրուող:

2) Պատգամաւորները ընտրութիւնը կատարուած է ընդհանուր, հաւասար, համեմատական (պրոպորցիոնալ), անմիջական և գաղտնի ձայնատուութեամբ:

3) Ռուսահայ ժողովրդի իւրաքանչիւր 10,000 հոգուց մէկ պատգամաւոր է լինելու: Ընտրական շրջանների և ընտրելի պատգամաւորների թուի մասին տես ցուցակ ընտրական շրջանների:

4) Իւրաքանչիւր ընտրող կարող է ունենալ միայն մէկ ձայն: Իւրաքանչիւր ընտրող իր ընտրողական իրաւունքը կարող է գործադրել միայն մէկ ընտրական շրջանում:

Ընտրուել կարող են մարդիկ անկախ այն հանգամանքից, թէ որ ընտրական շրջանումն են բնակուած:

5) Ընտրութիւնը կատարելու կարգերը որոշուած են տաճարն ընտրական հրահանգով<sup>2)</sup>:

6) Ընտրութիւնները կազմակերպելու, կարգադրելու և վարելու համար հաստատուած են կենդրոնական յանձնաժողով թիֆլիսում, այլև 11 շրջանային ընտրական յանձնաժողովներ տեղեւորում (տես ցուցակ ընտր. շրջանների), որոնք թաղկացած են 6-7 անդամներից՝ հայ քաղաքական կուսակցութիւնների տեղական անդամներից:

7) Կենտրոնական ընտրական յանձնաժողովը թիֆլիսում՝

ա) Հսկում է ընտրութիւնների կանոնաւորութեան վրայ աւանդուած ընդհանրապէս:

բ) Հսկում է այն կանոնադրութեան և ընտրական հրահանգի գործադրման աւտիթով ծագող տարակուսանքները և բացատրութիւններ է տալիս:

գ) Հարկաւոր հրահանգներ է տալիս շրջանային յանձնաժողովներին:

դ) Շրջանային յանձնաժողովների ղեկուցադրերի հիման վրայ կազմում է և հրատարակում պատգամաւոր ընտրուածների ընդհանուր ցուցակը:

8) Իւրաքանչիւր ընտրող ինքն անձամբ պէտք է տայ իր ձայնը:

9) Ընտրութիւնների անկանոնութիւնների դէմ բողոքողները, հարկաւոր քացատրութիւններով հանդերձ, տրուելու են ընտրական յանձնաժողովներին ընտրութիւնը կատարուելուց յետոյ երեք օրուայ ընթացքում: Այդ բողոքները յիշեալ յանձնաժողովի կենտրոնական ընտրական յանձնաժողովի միջոցով ներկայացնում են ուստահայոց համագումարին, որից և կախուած է պատգամաւորների ընտրութիւնների քննութիւնը, ստուգումն ու վաւերացումը:

### Յ Ո Ւ Ց Ա Կ

#### ԸՆՏՐԱԿԱՆ ՇՐՋԱՆՆԵՐԻ ՆԻ ՊԱՏԳԱՄԱՎՈՐՆԵՐԻ

##### 1. Երևանի շրջան. Կենտ. երևան

Շրջանակներ	Հայ ազգաբնակ.	Պատգամաւ.
1,1 Երևան քաղաք	37,000	4
2,2 Երևանի գաւառ	70,000	7
3,3 Նոր-Բայազէդ՝ գաւառով	130,000	13
4,4 Հին-Նախիջևան՝ գաւառով	55,000	5
5,5 Վաղարշապատ՝ Էջմիածնի գաւ.	110,000	11
6,6 Իգդիր՝ Սուրմալուի գաւառով	32,000	3
7,7 Շարուր-Դաւաթաղի	30,000	3=46

##### 2. Ալեքսանդրապոլի շրջան. Կենտ. Ալէք.

1,8 Ալեքսանդրապոլ քաղաք	44,000	4
2,9 Ալեքսանդրապոլի գաւառը	150,000	15=9

##### 3. Կարսի շրջան. Կենտրոն. Կարս

1,10 Կարս, Օլթի, Արդահան	28,000	3
--------------------------	--------	---

2,11 Կարսի գաւառ	53,000	5
3,12 Կաղզուան քաղաք	9,000	1
4,13 Կաղզուանի գաւառ	25,000	15=19

##### 4. Թիֆլիսի շրջան. Կենտրոն թիֆլիս

1,14 թիֆլիս քաղաք	150,000	15
2,15 թիֆլիսի գաւառ	26,000	3
3,16 Ախալցխա՝ գաւառով	22,000	2
4,17 Գորի և Դուշէթ	11,500	1
5,18 Գորուայ գաւառը	17,000	2
6,19 Սդնախ՝ գաւառով	21,000	2
7,20 Թելաւ՝ գաւառով	10,000	1
8,21 Ախալքալաք՝ գաւառով	70,000	7
9,22 Բորչալուի գաւառ	66,000	7=40

##### 5. Շուշուայ շրջան. Կենտրոն Շուշի

1,23 Շուշի՝ գաւառով	100,000	10
2,24 Դեօրիս և Զանգեզուր	100,000	10
3,25 Կարեւադինի գաւառ	22,000	2=22

##### 6. Գանձակի շրջան. Կենտրոն Գանձակ

1,26 Գանձակ՝ գաւառով	70,000	7
2,27 Նուխի՝ գաւառով	25,100	3
3,28 Դաղախ՝ գաւառով	61,000	6
4,29 Արէշի գաւառ	20,000	2
5,30 Ջիւանչիրի գաւառ	22,000	2=20

##### 7. Բազումայ շրջան. Կենտրոն Բազու

1,31 Բազու, Դուրա, Լենքորան, Սալան 78,000		8
2,32 Շամախի՝ գաւառով	22,000	2
3,33 Գեօրչայի գաւառ	17,000	2=12

##### 8. Բաթումի շրջան. Կենտրոն Բաթում

1,34 Բաթում իր շրջանով	15,000	2
2,35 Բուխայիս՝ գաւառով	4,000	1
3,36 Սուխումի շրջան	20,000	2
4,37 Նովորոսիյսկի շրջանով	18,000	2=7

##### 9. Դաղստանի շրջան. Կենտրոն Արմաւիր

1,38 Դերբնտ և Դաղստանի շրջան	5,000	1
2,39 Արմաւիր, Եկատերինոպոլ, Մայկոպ	25,000	3
3,40 Վլադիկաւկազ, Դալար, Պետադորսկ, Մոզդուկ շրջանով	30,000	3=7

##### 10. Հաշտարխանի շրջան. Կենտրոն Հաշտարխան

1,41 Հաշտարխան, Սաւաքոպոլ, Սարատով, Ցարիցին (Սիբիր)	10,500	1
2,42 Ասխաբադ և Թուրքեստ. շրջան	11,300	1=2

##### 11. Բեսարաբիայի շրջան. Կենտ. Նոր-Նախ.

1,43 Պետրոպոլ, Մոսկա, Կիև, Թարկով	22,000	2
2,44 Նոր-Նախիջ. գիւղերով և Թաստով	40,000	4
3,45 Քիշինեւ, Օդեսսա, Ակկերման	10,000	1
4,46 Դրիմ, Տարիկեան նահանգ	10,000	1=8

Ընդամենը 11 շրջան, 46 շրջանակով 1,924,300 185

Խմբագիր՝ ՍԱՄՍԱՆ ՅԱՐՈՒԹԻՐԵԱՆ.

Պատկեր, 4, 2, Բ. ԵՆԵՐՈՒԹԻՐԵԱՆ.

Тип. «СЛОБО» Гимназическая ул. № 1

2) Ընտրական հրահանգը կազարկուի տաճարին: